

Netačna i štetna dihotomija



Evropska unija je donijela sigurnost i prosperitet za 500 miliona ljudi putem razvoja slobodnog i dinamičnog jedinstvenog tržišta i otvorenog društva zaštićenih vladavinom prava, rekao je jučer visoki predstavnik i specijalni predstavnik EU Valentin Inzko na Konferenciji o poslovnom okruženju u BiH.

Međutim, upozorio je da neki političari na visokim funkcijama i lideri političkih stranaka vide proces konsolidacije jedinstvenog ekonomskog prostora BiH – što je ključni element Dejtonskog mirovnog sporazuma i procesa približavanja EU – «kao opciju, a ne kao imperativ». Visoki predstavnik i specijalni predstavnik EU je napomenuo «da se čini da ovi ljudi zamišljaju da Bosna i Hercegovina može naći izlaz iz recesije uz postojanje podijeljenog unutarnjeg tržišta i fragmentovanog poslovnog kodeksa.»

Pozivajući na što hitnije usvajanje Zakona o obligacijama i na modernizaciju sistema supervizije banaka, naglasio je da obje ove reforme, koje će pomoći u privlačenju investicija i pospješiti zapošljavanje, mogu biti provedene prije oktobarskih izbora.

«Po mom mišljenju, većina ljudi, a to se svakako odnosi na svakoga građanina BiH koji traži posao, smatra da su prednosti koje proizilaze iz većih mogućnosti za zapošljavanje neborivi argument za provođenje ovih reformi», rekao je visoki predstavnik i specijalni predstavnik EU. Međutim, «često čujemo da bi većina građana da im se nudi izbor između etničke sigurnosti i prosperiteta, izabrala sigurnost. Ali ova dihotomija je netačna i neopisivo štetna. Zato što

modernizaciju zakonskih propisa kojima se reguliše oblast privrede i sistem bankarske supervizije, da bi se pomogla konsolidacija jedinstvenog ekonomskog prostora definisana Ustavom, privukla ulaganja, otvorila nova radna mjesta i napravio korak bliže članstvu u EU, ne možete razborito predstaviti kao 'odricanje od nečega'. To je, zapravo, razuman korak u pravcu veće sigurnosti i prosperiteta svih ljudi koji žive u Bosni i Hercegovini."

Visoki predstavnik i specijalni predstavnik EU je rekao da «postoje snažni argumenti za razborit pristup ka poboljšanju poslovnog okruženja u BiH", te da u izbornoj godini oni mogu postati "neodoljivi". Visoki predstavnik i specijalni predstavnik EU je dodao da će provođenje ovih reformi "pripremiti put nečemu što može predstavljati brz ekonomski oporavak, tako da postizanje prosperiteta ne bi bilo nepotrebno odgađano za još tri i po godine."

Kompletan tekst govora visokog predstavnika/specijalnog predstavnika EU možete naći na web stranicama www.ohr.int i www.eusrbih.org.